

Профсоюзн кӧдлмшин кемджӧг ӧӧдлӧлхмн

Элстин МТС-н профсоюзн организацд 330 кун член бӧӧнӧ. МТС-н кӧдлӧчнр цугтангишнь профсоюзин членд бӧӧнӧ. Болв профсоюзн кӧдлмш дегд сулар кегддж йовна.

Кӧдлмшчнрин хург хая-хая болна. Коллективн бооца батлхла эс-гидж социалистическ дӧрлдӧгъяр даалгъвр авх цагла хург кегдх биш, талдан чигн тӧрӧр хург кегдхш. Кӧдлмшин цагт гарч ирдг производственн болн производственн биш чигн эркн ик чинртӧ тӧрмӧд хургт тӧвгддж кӧӧндгдхш. Нег тооцана-сунгъгъврин хургас авн хӧӧтк хург кӧртлӧн кӧдлмшчнрин комитет тооцагъан ӧгдг йовдл мел уга.

Кӧдлмшчнриг производственн кӧдлмшт орлуцлхд производственн совешанӧ чинрнь берк ик. Болв Элстин МТС-т (кӧдлмшч комитетин ахлачнь ӧр Чепурной С. П.) эн кӧдлмшт оньган ӧгхш. Производственн совешанӧ сеглӧтр чигн МТС-д уга, производственн совешаньд тӧвдж батлдж авсн тӧрмӧдиг темдгддж бичдг журнал чигн уга.

Кӧдлмшчнрин бӧӧдл-джиргъл ясулхин тускар бийдӧн даалгъсн даалгъвриг профсоюзн организац муугъяр кӧӧцӧнӧ. Колхозмудар бригамудт кӧдлджӧцхӧх механизатормудин бӧӧдл, теднӧ хот-хол ясулхин тӧлӧ кӧдлмшчнрин комитет ноолдхш.

Ода МТС намрин болн ӧвлин ясврт белдджӧнӧ. 1958 джилин январин 1- шин кӧртл 36 трактор ясх даалгъвр механизатормуд бийсдӧн авцхав. Болв МТС-н мастерской, терӧнӧ зӧрм (дархна, цуглулгъна) цехмӧд белн болад уга. Беш, труба, вентиляц болн нань чигн кесг ӧӧрмг юмс мастерскойд бел кегдх зӧвтӧ.

МТС-д кӧдлджӧх улсиг бӧӧдг герӧр тетгхиг кӧдлмшчнрин

комитет МТС-н гардачнрас некхш. 12 пӧртӧ хойр герджилин туршарт кегдджӧнӧ, болв ода бийнь дуусгдад уга. Бийснь гермӧд бӧрджӧцхӧх улст МТС-н дирекц болн профсоюзин кӧдлмшч комитет дӧннӧкд болхш. Бӧргдджӧх 58 герӧс ода кӧртл негнь чигн дуусгдад уга.

МТС-н кӧдлмшчнр дунд цӧӧлгъврин болн политическ кӧдлмш сулар кегднӧ. МТС-д ода нег чигн Улан шугъу, нег чигн библиотек уга. Урднь бӧӧсн 2500 экземпляр дектр сарайд кевтнӧ. Цӧӧлгъврин болн политическ кӧдлмш сулар кегддг учрар кӧч-кӧлснӧ диг-даран ӧвдгдг йовдлмуд МТС-т гарна.

Коллективн бооцан болн социалистическ дӧрлдӧнӧ даалгъврмуд ямаран кевӧр кӧӧцӧгддж йовхинь кӧдлмшч комитет диглӧд уга. Нуӧрт йовгч механизатормудин дамшлтсиг бас темдгддж диглхш. МТС-н газр хагъллгъна зура ик салнгар кӧдлснӧ учрар эс кӧӧцӧгддж, нег трактор болгъна зура 674 гектар бӧӧсн болхла, 527 гектар кӧӧцӧгддж. Тиим дуту-дундс МТС-н кӧдлмшт нань чигн олн.

Кӧдлмшч комитет муугъяр кӧдлснӧ учрар, МТС-н эклц партийн организацин (сеглӧтрнь ӧр Мирный М. В.) гардвр сулин учрар МТС-н профсоюзн организацин кӧдлмш татугъяр кегдсн болджана. Бӧкл джил шахуд кӧдлмшч комитетин ахлачин тооцаг партийн бюро чигн, партийн хург деер чигн сонъсн уга гидж темдгддж келх кергтӧ.

Деер келгдсн ик дуту-дундсиг ӧӧрхн цагин эргцд уга кедж, профсоюзин кӧдлмшин кемджӧг ӧӧдлӧлх эркн тӧр болджана.

И. МАСЛОВ,